

Jeremy Miles AS/MS

Cwnsler Cyffredinol a'r Gweinidog Pontio Ewropeaidd
Counsel General and Minister for European Transition



Llywodraeth Cymru
Welsh Government

Mick Antoniwn AS
Cadeirydd y Pwyllgor Deddfwriaeth, Cyfiawnder a'r Cyfansoddiad
Senedd Cymru
Bae Caerdydd
CF99 1NA

13 Ionawr 2021

Annwyl Mick,

Diolch am waith y Pwyllgor Deddfwriaeth, Cyfiawnder a'r Cyfansoddiad wrth graffu ar Gynnig Cydsyniad Deddfwriaethol atodol y Bil Masnach a osodais ar 4 Tachwedd.

Dyma ymateb Llywodraeth Cymru i argymhellion yr adroddiad yn Atodiad A.

Byddem yn barod i ehangu ar unrhyw un o'm hymatebion yn y drafodaeth ar y Cynnig Cydsyniad Deddfwriaethol sydd i'w chynnal ar 12 Ionawr.

Yn gywir,

Jeremy Miles AS

Cwnsler Cyffredinol a'r Gweinidog Pontio Ewropeaidd

Bae Caerdydd • Cardiff Bay
Caerdydd • Cardiff
CF99 1SN

Canolfan Cyswllt Cyntaf / First Point of Contact Centre:
0300 0604400

YPCCGB@llyw.cymru PSCGMET@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Atodiad A

Ymatebion Llywodraeth Cymru i Argymhellion y Pwyllgor Materion Allanol a Deddfwriaethol Ychwanegol ar y Memorandwm Cydsyniad Deddfwriaethol ar gyfer Bil Masnach y DU

Argymhelliad	Ymateb Llywodraeth Cymru
<p>Argymhelliad 1</p> <p>Dylai'r Cwnsler Cyffredinol egluro pam, cyn unrhyw bleidlais ar gynnig cydsyniad deddfwriaethol ar gyfer y Bil, na fu i Lywodraeth Cymru geisio diwygio cymal 2(6)(a) gyda Gweinidogion y DU fel nad oes modd i Weinidogion y DU wneud rheoliadau sy'n diwygio <i>Deddf Llywodraeth Cymru 2006</i>.</p>	<p>Penderfyniad - Derbyn</p> <p>Fel a nodwyd eisoes, mae Llywodraeth Cymru yn cydnabod bod risg bychan y gallai Llywodraeth y DU ddefnyddio cymal 2(6)(a) i wneud rheoliadau sy'n diwygio Deddf Llywodraeth Cymru 2006 (GoWA). Fodd bynnag, yn ymarferol, mae'n hynod anhebygol y bydd hyn yn digwydd, gan bod pwerau cymal 2 yn gyfyngedig iawn o ran eu cwrmpas.</p> <p>Rydym yn cytuno'n gyfan gwbl â'r Senedd y byddai'n annerbyniol i Weinidogion y DU ddefnyddio pwerau eilaidd i ddiwygio'r ddeddfwriaeth sylfaenol craidd sy'n sail i'r setliad datganoli. Fodd bynnag, y cwestiwn oedd yn wynebu Llywodraeth Cymru oedd sut orau i fynd â'r mater hwn yn ei flaen. Y man cychwyn yw'r realiti bod ceisio diwygio cymal 2(6)(a) gan Weinidogion y DU yn hynod annhebygol o arwain at y newid deddfwriaethol y gofynnwyd amdano. Ychydig o reswm sydd gan Lywodraeth y DU i gyfaddawdu ar y mater hwn gan y gallai gyfeirio at y ffaith bod cymal 2 wedi ei dderbyn gan y Senedd pan roddodd gydsyniad deddfwriaethol i Fil Masnach 2017-19 ar 12 Mawrth 2019, ac yn dilyn hynny ar 21 Mai 2019 yn dilyn dau Gynnig Cydsyniad Deddfwriaethol atodol.</p> <p>Penderfynodd Llywodraeth Cymru felly i geisio cael y newid deddfwriaethol hwn drwy ysgrifennu at Arglwydd Lefarydd Tŷ'r Arglwyddi. Gwnaethpwyd cais bod diwygiad yn cael ei gyflwyno i gymal 2 a fyddai'n cael yr effaith o rwystro'r pwerau gwneud rheoliadau rhag cael eu defnyddio gan Weinidogion y DU ac i wneud diwygiadau i Ddeddf Llywodraeth Cymru. Teimlodd y Llywodraeth y byddai mynd ar y trywydd hwn yn fwy tebygol o arwain at newid deddfwriaethol. Ni chafodd y diwygiad hwn fodd bynnag ei ddatblygu yn Nhŷ'r Arglwyddi.</p> <p>Goblygiadau Ariannol – Dim.</p>
<p>Argymhelliad 2</p> <p>Dylai'r Cwnsler Cyffredinol, cyn unrhyw bleidlais ymlaen llaw ar gynnig cydsyniad deddfwriaethol ar gyfer y Bil, gadarnhau a yw cymal 2(6)(a) y Bil wedi ei</p>	<p>Penderfyniad – Derbyn</p> <p>Nid yw Cymal 2(6)(a) wedi ei ddiwygio fel nad oes modd iddo gael ei ddefnyddio gan Weinidogion y DU i wneud rheoliadau sy'n diwygio <i>Deddf Llywodraeth Cymru 2006</i>.</p> <p>Penderfynodd yr Arglwyddi beidio â chyflwyno'r diwygiad hwn, fel y'i disgrifir uchod.</p>

<p>ddiwygio fel nad oes modd iddo gael ei ddefnyddio gan Weinidogion y DU i wneud rheoliadau sy'n diwygio <i>Deddf Llywodraeth Cymru 2006</i>.</p>	<p>Goblygaidau Ariannol – Dim.</p>
<p>Argymhelliad 3</p> <p>Dylai'r Cwnsler Cyffredinol, cyn unrhyw bleidlais ar gynig cydsyniad deddfwriaethol ar gyfer y Bil, gadarnhau a yw Llywodraeth y DU wedi gwneud yr ymrwymiad i'r Blwch Anfon, fydd yn cynnwys Llywodraeth Cymru yn y broses o wneud penderfyniad cyn i unrhyw benderfyniad i ddefnyddio y pŵer yng Nghymal 2(7) y Bil i ymestyn y cyfnod machlud.</p>	<p>Penderfyniad - Derbyn</p> <p>Ar 8 Hydref 2020, ailddatganodd Is-iarll Iau Leckie, yr Arglwydd Preswyl (Chwip y Llywodraeth) ymrwymadau blychau anfon yn benodol mewn perthynas â chymal 2 yn ôl cais y Gweinidog dros Gysylltiadau Rhyngwladol a Masnach ar y pryd mewn llythyr dyddiedig 11 Medi. Mae'r ymrwymiad penodol sy'n ymwneud â chymal 2(7) mewn print bras. Dywedodd:</p> <p><i>Deallwn y dylid defnyddio'r pwerau hynny'n briodol, a dyna pam mae'r Llywodraeth wedi ymrwymo na fyddwn fel arfer yn defnyddio'r pwerau cydamserol i ddeddfu o fewn meysydd datganoledig heb gydsyniad y Weinyddiaeth ddatganoledig berthnasol, a byth heb ymgynghori â hwy yn gyntaf, fel y dywedodd yr Arglwydd dysgedig a bonheddig, yr Arglwydd Hope. Yr ydym hefyd wedi sefydlu darpariaeth fachlud bum mlynedd ar y pwerau cydamserol yng Nghymal 2, y gellir eu hymestyn am gyfnodau pellach ond dim ond gyda chytundeb dau Dŷ'r Senedd. Rydym yn cydnabod y byddai hyn hefyd yn ymestyn gallu'r Gweinyddiaethau datganoledig a Llywodraeth y DU i ddefnyddio'r pwerau mewn meysydd datganoledig, ac felly rydym wedi ymrwymo i'r Gweinyddiaethau datganoledig y byddwn yn ymgynghori â hwy cyn ymestyn y cyfnod machlud.</i></p> <p>Goblygiadau Ariannol – Dim.</p>